

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in praecedentibus Editionibus
desideratas, summoque studio hinc inde conquisitas complectens

Luxemburgi, 1741

11. Romani Pontificis, &c. Prohibet, Concilii Tridentini Vestigiis inhærens,
Regularibus cuiuscunque Ordinis Sæcularium Confessiones audire sine
præcedenti Episcopi examine: anno 1571.
-

[urn:nbn:de:hbz:466:1-74514](https://nbn-resolving.de/urn:nbn:de:hbz:466:1-74514)

culosa deprehenditur, quod cuicunque illas accipienti certa soluta pecunia licitum sit, quem volunt sibi sumere Sacerdotem, qui confessione auditam ipsum absolvere valeat, non in eis tantum casibus, in quibus simplex Sacerdos absolvere potest, sed etiam in iis qua solis Episcopis reservata reperiuntur, aliquo praeterea casu admixto, veluti Simoniae reatu, qui ad examen hujus Sanctae Sedis esset referendum. Non animadverentes ipsi Praefuses & Administratores, quam periculosum sit, ea passim in certis personis committere, quae ad Episcoporum judicium arbitriumque idcirco deferuntur, ut qui melius lepram à lepra discernere nonint, causis & circumstantiis subtili indagine exploratis, salutaria cuique morbo remedia valeant adhibere. Ad hanc ipsi in dispensandis cœlestis gratiae donis nimium prodigi, iis sic litteras prædictas accipientibus, indulgentias, & penitentiariarum injunctiarum remissiones, nulla cum re temporali conferendas, profusus & indiscretè largiuntur: quibus, & aliis licentis prædictis non pauci fluctuantes & infirmi, veniae facilitate induci, ad peccandum procliviores sunt, quando tor & tantorum delictorum remissio certo & vilissimo pretio acquirere posse confidant. Indicem præterea casuum & indulgentiarum ædibus sacris appendi jussuerunt, quo palam significatur solventibus supra scripta concedi, & inter alia absolvendi facultatem ab efl prohibitorum tribui, itemque indulgeni Missæ sacrificium, & sepulturam tempore interdicti, assumptionem duorum, plurius Compatrum ad sacram Baptismam, præter eos, qui Synodalibus, ut dicunt, confitucionibus asciscuntur, reparationem Ecclesiarum, erectionem Confraternitatum, & alias pias causas prætendendo.

§. 1. Cum igitur inter cætera scandala, etiam Simoniae pravitas redoleat, ex prædictis Sacri Tridentini Concilii decretis, & aliis Sanctionibus Canoniciis, nostræ præterea Constitutione de indulgentiis ad quæstum non emittendis, adveretur, clavis auctoritas evilescat, & penitentialis satisfactio eneretur; Nos his malis celeri remedio occurrendum, eademque opera futuris præcavendum fore censentes, de Apostolicæ potestatis plenitudine supradicta omnia, qua in ipsa Toletana, & quibuscumque alius Civitatis, Diocesis, & locis, tam Hispaniae quam aliarum quarumcumque Provinciarum & Regionum quoquaque prætextu hucusque emanarunt, perpetuo abolemus, ac nulla & irita nunciamus, jubemusque litteras, & indices, nec non scripturas, & monumenta quæcumque, publica & privata, per ipsos Locorum Ordinarios, & alios Ecclesiarum Rectores, ubique reperiantur, dilacerari, penitusque deleri. Et ne talia de cætero à quoquam fiant, publicentur, vel concedantur, distictiūs prohibemus.

§. 2. Quicunque fecus egerint, seu attentaverint, Antilites, etiam Cardinalatus honoris præfulgeant, ab ingressu, & perceptione fructuum suarum Ecclesiarum tandem suspensi jaceant, donec satisfactione præviâ illis per Sedem prædictam suspensio relaxetur. Inferiores verò ab Episcopis sententiam excommunicationis incurant, a qua, nisi in mortis articulo constituti, ab alio quam Romano Pontifice absolutionis beneficium nequeant obtinere. Decernentes etiam irritum & inane, quicquid fecus per quoscumque quavis auctoritate scienter vel ignoranter contigerit attentari.

§. 3. Volumus autem, ut præsentium exempla, etiam impresa, Notarii publici manu, & Prælati Ecclesiastici sigillo ob signata, eandem illam prorsus fidem in judicio & extra illud ubique locorum faciant, quam ipsæm præfentes facerent, si esent exhibet vel ostense.

§. 4. Nulli ergo omnino hominum liceat hanc paginam nostræ abolitionis, nunciationis, jussionis, prohibitionis, decreti & voluntatis infringere, vel ei ausu temerario contraire.

Si quis autem hoc attentare præsumperit, indi-

gnationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ, apud Sanctum Petrum, Anno Incarnationis Dominiæ, millesimo quingentesimo septuagesimo, 4. Non. Januarii, Pontificatus nostri, anno quarto.

Anno à Nativitate Domini millesimo quingentesimo septuagesimo, Indictione decima tertia, die vero vigesima tertia Mensis Januarii, Pontificatus Sanctissimi in Christo Patris, & Domini Nostri Domini Pii, divina providentia Papæ V. anno quarto, retroscriptæ litteræ affixa, & publicatae fuerunt, ad valvas Ecclesiæ S. Joannis Lateranensis, & Basilice Principis Apostolorum de Urbe, dimissis in supradictis locis presentibus Litteris per aliquantulum temporis spaciū affixis, & deinde amotis, per me Julium Parinum, Sanctissimi Domini nostri Papæ Cursorem.

Jo. Guerardi, Mag. Curf.

Prohibet, Concilii Tridentini Vestigii inherens, Regularibus cuicunque Ordinis Secularium Confessiones audire sine præcedenti Episcopi examine: anno 1571.

PIUS EPISCOPUS.

Ad perpetuam rei memoriam.

Romani Pontificis providentia circumspeta, R. nonnunquam gesta per eum, rationabilibus, & honestis suadentibus causis, moderatur, & commutat in melius, prout in Domino conspicit salubriter expedire.

XI.
Ex Mem.
du Clerg.
de France.
Tom. I.
pag. 968.

§. 1. Nuper siquidem quasdam declarationes & moderationes circa nonnulla Concilii Tridentini decreta Regulares personas Ordinum Mendicantium, eorumque instituta concernentia edidimus, & promulgavimus: Et quia uti accepimus illarum vigore Sacerdotes Regulares prædictorum Ordinum quandoque minus idonei, & inhabiles confessionibus Secularium audiendis ab eorum Superioribus præpositi, absque aliqua Episcoporum, sed sola Magistri Ordini Generalis, aut Provincialium ministeriorum approbatione admittuntur.

§. 2. Nos super his pro debito pastoralis officii, prout tenemur, salubriter providere volentes, tenore præsentium hac nostra constitutione perpetua sancimus, decernimus, & declaramus. Decretum Concilii Tridentini de approbatione Regulares audiendis confessionibus Secularium præpositorum ab Episcopis facienda, observari debere etiam in omnibus Regularibus, quorumvis Ordinum, etiam Mendicantium, etiam sub regulari disciplina viventibus, etiam si sint Lectores, aut in Theologia, etiam de Superiorum suorum Licentia, Graduati, vel promoti, vel a suis Magistris Generalibus, vel Provincialibus Ministris, Secularium confessionibus audiendis præpositi. Volumus tamen, eos qui semel ab Episcopo in Civitate & Diocesibus suis prævio examine approbati fuerint, ab eodem Episcopo iterum non examinari. Ab Episcopo autem Successore pro majori conscientia sua quiete examinari de novo poterunt.

§. 3. Inhibentes quibuscumque Regularibus quorumvis Ordinum, etiam Mendicantium, ut præfetur, ne vigore deputationis, & approbationis ab eisdem Magistris, & Ministris Provincialibus, etiam quod illarum occasione ab Ordinariis hucusque tolerati fuerint, absque speciali in posterum licentia, & approbatione ab Ordinariis obtinenda, Secularium confessiones audire præsumant. Decernentes irritum & inane, si fecus super his à quoquam quavis auctoritate scienter vel ignoranter contigerit attentari.

§. 4. Non obstantibus constitutionibus, & ordinationibus Apostolicis, ac nostris Litteris prædictis, & aliis postea quibuscumque Regularibus con-

cessis, & forsitan extensis, quas quoad ea quæ præsentibus adversantur & contrariantur, penitus & omnino revocamus, cassamus, & irritamus, nec non Monasteriorum, & aliorum Regularium Lectorum, ac Ordinum quorumcunque, etiam juramento, confirmatione Apostolica vel quavis firmitate alia roboretur statutis & consuetudinibus, privilegiis quoque, indultis, & Litteris Apostolicis, etiam Mari Magno, seu Bulla aurea, aut alias nuncupatis, quibusvis Monasteriis, Regularibus Locis, sub quibusunque tenoribus, & formis, ac cum quibusvis, etiam derogatoriis derogatoriis, aliisque efficacioribus, & insolitis clausulis, nec non irritantibus & aliis decretis, etiam motu proprio & ex certa scientia, ac de Apostolica potestatis plenitudine, aut alias quomodolibet concessis, ac etiam iteratis vicibus approbatiss & innovatis: quibus omnibus, etiam pro illorum sufficienti derogatione de illis eorumque tonis tenoribus, specialis, specifica, expresa, & individua, ac de verbo ad verbum, non autem per clausulas generales idem importantes, mentio seu quavis alia expressio habenda, aut aliqua exquisita forma servanda esset, tenores hujusmodi, ac si de verbo ad verbum nihil penitus omisso & formâ in illis traditâ observata inferri forent, præsentibus pro sufficienter expressis habentes, illis alias in suo labore permanfuris, hac vice dumtaxat specialiter & expresse derogamus, contraria quibusunque.

§. 5. Ut autem præsentes Litteræ ad omnium quorum interest notitiam deducantur, nec aliquis earum ignorantiam pretendere, aut contra eas se excusare valeat, dicta auctoritate statuimus & decernimus, ut ipsæmer litteræ, vel earum transumptum in Basilica Principis Apostolorum de Urbe, Sancti Joannis Lateranensis, ac Cancellerie Apostolica valvis, ac in acie Campi Floræ per aliquos ex Cursoribus nostris publicentur, earum exemplo in singulis valvis & acie praeditis affixa, & dimisso.

§. 6. Verum quia difficile foret præsentes litteras ad singula quaque loca, in quibus de eis fides facienda est, deferri, volumus, & dicta auctoritate decernimus, quod earumdem litterarum transumptis, manu alicuius Notarii publici subscriptis, & sigillo alicuius Praelati, seu persona in dignitate Ecclesiastica constituta munitis, eadem prorsus fides adhibetur, in judicio, & extra illud, que eisdem præsentibus adhiberetur, si forent exhibitæ, vel ostensæ.

Nulli ergo &c.

Datum Romæ, apud Sanctum Petrum, sub anulo Piscatoris, die XV. Octobris, anno millesimo quingentesimo septuagesimo secundo, Pontificatus nostri, anno sexto.

Anno à Nativitate Domini millesimo quingentesimo septuagesimo primo; Indictione decima quarta, die vero vigesima secunda Mensis Augusti, Pontificatus Sanctissimi in Christo Patris, & Domini nostri Domini IIII, divinâ providentiâ Papæ V. anno ejus sexto, retroscripta litteræ affixa & publicata fuerunt in locis retroscriptis, per nos Joannem Gerardum & Alamanum de Alamanis *Curores*. Philibertus Chappuis, Mag. Curf.

GREGORIUS DECIMUS

TERTIUS.

PONTIFEX CCXXX.

ANNO DOMINI MDLXXII.

Gregorius Bononiensis, prius Hugo Boncompagni, anno 1572. Pio V. succedit. Hic Kalendarium variis erroribus obnoxium, ac labentem Festorum rationem juxta Veterem Nicænæ Synodi rationem restituit, dantis è Mensa Octobri anni 1582. decem diebus, & æquinoctio verno deinceps vigesimo primo Martii assignato, Epactisque ad Lunæ mu-

tationes designandas, in aurei numeri locum substitutis, editis ea de re regulis perpetuò duraturis. obiit anno 1585. (*Magni Bullarii Romani hujus Editionis Luxemb. 1727. Tom. II. fol. 387. App.*)

Breve ad Philippum II. Regem Hispaniarum, quo ei facultatem largitur creandi novos Equites Ordinis Aurei Velleris extra Capitulum seu Comitia Ordinis: anno 1572.

GREGORIUS PAPA XIII.

Carissime in Christo Fili nostro, Salutem & Apostolicam Benedictionem.

Exponi nobis nuper fecisti, quod ad præsens vacant plura Loca & Officia Ordinis seu Societatis Velleris Aurei, *Del Toñon*, vulgo nuncupati, & dubitis de Locis & Officiis hujusmodi extra Capitulum dicti Ordinis disponere seu providere posse.

Ad omnem igitur dubitandi materiam tollendam, tuis in hac parte supplicationibus inclinati. Tibi, ut hæc vice de Locis & Officiis hujusmodi extra dictum Capitulum, quatenus id aliter facere nequeas, ad tui beneplacitum disponas, disponendi licentiam & facultatem, Apostolica Auctoritate, tenore præsentium concedimus.

Non obstantibus dicti Ordinis juramento, confirmatione Apostolica, vel quavis firmitate alia roboretur statutis & consuetudinibus, stabilitenis, usibus & naturis, etiam in illis caveatur expresa, quod illa Officia extra dictum Capitulum conferri non possent, & aliter factæ collationes & provisiores nullæ essent, Privilegiis quoque, Indultis & Litteris Apostolicis in contrarium quomodolibet concessis, approbatis & innovatis (quibus omnibus, eorum tenores in præsentibus pro expressis habentes, illis alias in suo labore permanfuris, hac vice dumtaxat specialiter & expresse derogamus) cæterisque contrariis quibuscumque.

Datum Romæ, apud Sanctum Petrum, sub anulo Piscatoris, die XV. Octobris, anno millesimo quingentesimo septuagesimo secundo, Pontificatus nostri, anno sexto.

Reductus ad Normam Juris Communis, & Concilii Tridentini omnia privilegia Regularibus à Pio V. concessa: an. 1573.

GREGORIUS EPISCOPUS.

Servus Servorum Dei, ad perpetuam rei memoriam.

In tanta rerum, & negotiorum mole, qua Romanus Pontifex ex omnibus mundi partibus ac fiduè premittit, vix vitari potest, ne aliqua interdum exiliant, quibus postea recognitis necesse est moderationis remedium adhibere.

§. 1. Cum itaque alias fel. rec. Pius Papa V. Prædecessor noster, auditis gravaminibus, quæ Fratribus Ordinum Mendicantium ab Ordinatis locorum, & Parochialium Ecclesiæ Rectoribus, multis modis inferri dicebantur, super sacris concionibus, & lectionibus habendis, confessionibus audiendis, penitentiis injungendis, Fratribus ad Ordines promovendis, celebratione Misericordiarum, cura animarum, Sacramentorum ministratione, sepulturis, quarta funeralium, legatis, donationibus, eleemosynis, collectionibus, aliisque hujusmodi iuribus, nec non decimis, & diversis oneribus, ac etiam super statu & regimine Sanctimonialium ipsis Fratribus subiectarum formatione processuum, censoriarum publicatione, processionibus, præcedentiâ, locorum acquisitione, certisque aliis rebus tunc expressis, multa per quasdam suas litteras pro dictis Fratribus non modo statuerit, sed & quæ jam in Concilio Tridentino decreta fuerint ad hæc pertinentia declaraverint, multaque præterea privilegia eisdem decimo septimo Calend. Junii, Pontificatus sui, anno secundo:

§. 2. Et